

文苑

文

清署理福建巡撫光祿寺卿吳公家傳

鄭孝胥

吳公贊誠。字存甫。廬江縣人。咸豐元年。以拔貢朝考。知縣。分發廣東。二年。署永安縣。四年。廣東東西江賊起。陷州縣數十。屢圍永安。與歸善長樂河源賊合。公練民兵。擊北洋中心壩水口。永坑鷓鴣塘諸寨皆破之。踰境追賊。戰於南嶺。三多竹杉園。擒其渠戴開李來。薙鄭三等。誅之。七年。補德慶州。時西江艇匪陷梧州。北江賊陳金缸。陷懷集廣寧。與西江賊合。德慶居西江之中。賊計欲破德慶。以窺廣州。大吏趣公之官。德慶州臨大河。城燬於賊。無險可扼。同僚危之。勸公辭疾。公不顧。單舸抵州。率守備黃龍韜千總黃鏞。合兵四千。據古有莫村諸壘。以待賊。八年冬。賊大至。兵少被圍。晝夜力戰。凡三十三

日。賊大敗遁去。州屬榮村人徐日保徐亞羣等。潛結外賊爲變。公先期掩襲。盡獲其黨。賊失內應。遂不敢犯。歷任順德縣虎門同知。署惠潮嘉道。同治初。李世賢竄擾閩粵。公奉檄防剿。賊據嘉應。公以輕騎逼城下。誘賊逐利。伏兵殲之。遂克嘉應。長樂平遠鎮。和平諸城。乘勝越境。克福建之武平。永定。詔安。賊平。調天津製造局。補天津道。擢順天府尹。督辦福建船政。光緒三年。詔赴臺灣籌辦防務。臺灣後山深阻。生番時時出擾。而番社皆懸絕谿巖間。漢官古無至者。公由恆春入卑南。歷牡丹社。紅土坎。大貓狸。諸險。輿騎不達。縋而上。下其間。山谷斗絕。俯臨大海。越二大溪。山水驟發。絕糧三日。掘山積以濟。時方盛暑。晝暴烈日。夜伏毒霧。海風瘴氣。與人相搏。番社來謁。咸受約束。然吏卒死亡過半。存者皆病。公亦染瘴。僅乃得返。光緒四年。以光祿寺卿署福建巡撫。

34778 臺灣加禮宛巾老耶兩社抗撫戕官九月再渡海攻平之遂自臺北入內山撫輯諸番建設壘堡貫竹塹彰化

嘉義以出臺南內渡月餘中風半體不遂求去不許久之乃得請李公鴻章招至天津設水師學堂疾發歸光緒十年卒公性介而俠其犯險赴難未嘗退讓幸而獲濟亦無矜伐之色在粵嘗爲順德縣順德號粵東腴縣大吏以其積勞故優酬之公居年餘不樂求去上官皆怪且笑天津海關道者尤爲天下美缺李公欲奏任公又固辭乃已歸時貧困諸子儕於寒士晏然安之配芮氏無出繼室徐氏子學廉學莊學恂咸有操行女四人贊曰咸豐赭寇亂時天下官吏文武尙有守節死義者人人以盡職爲己分內事故能卒平大難及拳匪之亂東南大吏持保境之義雖危而獲安然使仕者不知所守清社之屋自是始矣吳公仕未甚達然勤於任事不避艱險天性然也國之將亡上下瓦解自今思之世豈復有斯人哉噫

詩

雪晴步後園

陳三立

江南一冰海父老詔未有瓦溝十日雪炙日篆蝌蚪茲晨氣稍蘇晴色黏枯柳飯了揩兩眼舉步踏瓊玖隔牆畫卦畦猶沒菘與韭微綠坼白光摘筐掃無帚向來蒙菜把愆數心語口擾擾啼飢禽下啄依我肘我寧有餘粒活汝韻林藪炊烟網山影巷吠續前後看作尋詩人茅茨出蓬首

除夕作

同前

羈海四除夕淚眼爲之枯猶媚餞歲盤過存列仙儒醉面掀吟髭家家如畫圖引去再改火撫我溪上株草玄笑無雄聊擁寂寞區世中復何物坊錄送歌呼一鐙定萬態誰主而誰奴老有所謂道哀樂灰洪鑪詩書信禍始成就雛心狐江城又飛雪寒壓七尺軀盆枝坼微馨流庭氣昭蘇雞唱戀煮餅明日非今吾

丁巳元旦雪晴

同前

天光新雪屋。三白說年豐。已靜溪山氣。初高雁鷺風。城
陣寒角動。影事醉吟空。倚閣譚兒女。晴霞井口紅。

觀恪士園亭

同前

薄雪覆深晴。流光與日成。含春梅擅態。動壁竹諧聲。鷹
翅驕竿末。魚苗試水程。一襟迎萬壑。閒看夕嵐生。

題濟寧李一山所藏唐揚武梁祠畫象

鄭孝胥

唐揚舊傳唐氏本。荆川父子留私篆。國初鑿賞始朱查。
武梁祠象名初顯。衍齋祕藏凡幾載。旋入揚州玲瓏館。
佩兮割愛遺汪君。轉贈秋盒意殊款。秋盒嘉祥得遺石。
重立武祠扶幽隱。前後石室文益多。載籍未收剔苔蘚。
殷勤持此寄覃谿。好古天教福雙眼。盡資兩漢記金石。
辨證詳明助新纂。援叟賦詩石洲繼。道光季年事非遠。
濟寧李氏久失之。寶物何緣出京輦。何忒跋云賈潤

34779
生太守自任蹇修當爲此册。媒所適張石洲詩注云索
價八百金。何子貞詩注云梁子恭同年從賈潤生前輩

處攜來此册。蓋賈君攜此在京求售。乃己酉之春。實道
光二十九年也。十四圖。纔存十一。餘燼居。然脫兵燹
流傳先後。粗可稽。題跋如林。幸無損李君自記。具顛末
時士續詠。見盛晚老夫。斂筆復何云。聊快任城壁。終返

初夏崇效寺讌集牡丹未開

曾習經

丁香亭亭玉雪色。梨花才似過寒食。四月春陰未牡丹。
遙帷悵臥兼愁疾。高柳黃塵百萬家。却於蕭寺問年華。
老懷正覺春遲好。明日來煎穀雨茶。

夜聽小僮吹簫

同前

簫聲臨夜過堂坳。絲竹年來興欠豪。說似衛公吾亦肯。
月中吹笛薛陽陶。

題汪吏部半山課耕圖

同前

投老田園弟與兄。眼前歸計近春生。題詩明日君應答。
我得家書共此情。

自題漢殘碑拓本

同前

一角殘碑五鳳嬉。紀年恰合漢宣時。貧兒驟詫家私富。

34780

自揚殷勤寄所私

行土峽中抵會寧行館次子言原韻 俞明震

與子長安來。一月已過半。朝發青冢驛。畏途愁日晏。懸車下絕壁。濁流倏瀾漫。飛鳥到來深。頽雲匿不散。槎枒生地穴。破碎撐霄漢。仰望白日乾。俯穿泥沒胫。車從澗底行。心與懸巖亂。出險眼漸明。停鞭指行館。酒注肝肺熱。深談復達旦。新機萬弩發。勢若水澎湃。方輿自風氣。朝報成斷爛。欲通江海情。孰與置郵傳。忽憶去年游湖亭。淪茗椀。去歲與子言游西湖。今夕復何夕。風沙滿庭院。

鹹水河

同前

入谷復出谷。我行鹹水河。白日寒悄悄。病樹猶婆娑。生存競枝葉。人老當如何。高原無定形。縹疊如濤波。洪荒一片土。風日能消磨。遙峯匿光影。薄暮愁山阿。時艱付悠繆。行役懷坎軻。觸感適然止。慮遠傷心多。君聽牧羊兒。高唱伊涼歌。

詠泊園杜鵑花索海土諸老同賦 (用望帝春心)

託杜鵑句為韻

周樹模

春去雨不休。餘此花無恙。白白更朱朱。朱朱淒然滿。盆盎古魂不可招。聞君增楚愴。肯受凡目憐。坐覺空華妄。鶴林天下奇。說舊語。空壯老僧守。枯株鐵樹花。無望。杜宇竟失。王鷄雍時為。帝枝葉久衰。微暴興。誰苗裔。心摧未歇芳。目盡千秋涕。何來啼血鳥。躑躅向庭際。鳥語我未通。我語夢中寢。簾外堆落紅。捧土手自瘞。老嬾斷百戀。偏於花有因。猩色三兩株。伴此槁木身。衆芳各自萎。一室仍我春。璀璨牆壁間。映日特光新。蓄花越數年。花亦如故人。長感未可期。相守情彌親。癖花人謂迂。惟迂始得真。再拜向蜀魄。悲憤臣甫心。山榴少意思。唐突退之吟。花鳥故一類。其名傳至今。恨血結為花。一染一回深。俄然化素奈。插遍吳女簪。著意寫哀豔。悲來不可任。仙藥香難尋。海桑森成林。

迴舟向急流。逢岸得止泊。蟠伏一畝宮。怒虎老就縛。向來江海意。收拾入籬落。更迭閱繁華。是非了今昨。獨自理園荒。一鋤良可託。

出山山靈呵。厚顏及芳杜。歸爲種菜謀。折節師老圃。瓶水面佛花。自誓除綺語。胡爲牛腰束。堆案高尺許。不忍於一花。織詞費觀縷。世尊但默然。饒舌終何補。

陶公佳色菊。鄭子露根蘭。託物抒微尚。心有不能傳。予亦孕奇意。夢想方瞳仙。三山瑤草多。欲往風引船。小牕橐駝坐。眼望紅綠間。佳植來海東。如將童女還。作詩以當哭。響應千山鶻。

和樊山落花詩四首

沈瑜慶

唐宮百五過韶光。惆悵江南讓國王。天子郎當思李白。相公忠厚進姚黃。池塘明日都成綠。風信前番太放狂。凝碧管絃供頓盡。可無天寶貴人裝。(牡丹)

34781 櫻花似較海棠嬌。謬種流傳遠祖祿。(余謂日本櫻花是蜀中海棠移接者乙盒甚然其說) 佛國沾泥泥禪悅

絮蜀宮花蕊玉奴簫。錦官紅濕詩無著。(杜少陵晚來紅溼處花重錦官城宋人以爲詠海棠之作) 閣道春殘酒可澆。牖戶未安脣齒冷。東山風雨怨漂搖。(海棠) 醉夢膏騰喚不回。東風啼鳥復歸來。早驚葉底灘簧滑。應悔堂前羯鼓催。故妓曾陪儀鳳館。王孫重上躍龍臺。劉郎也作人間客。燕麥菟葵次第開。(桃花)

蕭山雜詩四首

陳詩

賜第東華在暮年。諸昆簪紱受恩偏。鴻儒飽索長安米。祇向蕭山置墓田。(朱文正公兄弟皆居京師不復歸其曾祖父母葬蕭山但置祭田百畝屬族人司祀事而已)

南征解賦粵山川。孫子真能繼昔賢。終是同光全盛日。管絃長憶薊門烟。(文正相國會孫有啓燾字雲門者)

34782 善吟詠有珠江詩烟霞花塔影風雨海幢鐘薊門詩寒雲樂亭海落日薊門山及何如一樽酒野店召雙鬢之

句同光間官廣東候補道卒子孫今流滯粵中

儒墨紛綸衆妙該。槃藹落拓亦奇才。低徊清耿論茶語。

如讀朱雲諫疏來。槃藹文集湯紀尙伯述著伯述嘗

居吳中謂西山茶味清耿似汲黯少戇

四壁圖書湯易州。文端清節想風流。玄黃龍戰誰歸骨。

生死交期感太邱。伯述爲文端相國之孫敏齋太常

之子清貧好學恪守家風一權易州旋病沒津門庚子

亂後陳根儒觀察糾集里人湯癸生諸君歸其喪

詞

高陽臺

陳銳

花外鶻髡。樓陰鶴歎。春光電洩煙消。半壁斜陽。是他親見。前朝登臨。枉自傷心。日恨舊遊。輕薄難招。記從來雪艇松龕。幾費吟敲。餘生天遣無聊。祇長浮范宅。未反原騷。一哭松楸。麻衣短髮。飄蕭桃源。已是尋無路。說避

秦何必今朝。恁無情。江水江花送我漁舸。

瑞龍吟 和寄夔笙海上見懷元韻 程頌萬

斜橋路。曾記敏檻評花。試簫量黍。悵悵深窈。房櫺素箏。

濁酒遲君話雨。睠孤緒。闌夜倚誰籠。照鈿車來去。銀

屏那角。瀟湘倦題畫。裏楓人髻苦。商補粵西詞見。

君輯刻本。暝搖窮髮。霜欺顏羽。多分校警南州。遲倚

魚素。無涯滯我。萍涸風翻絮。何時再。蘭拳楚笑。櫻飡吳

語。側帽傷心處。半塘更在泉肩。泣露迴睇。殘罇否。知漲

墨圖成滄桑容住。故歡試省等閒朝暮。

燭影搖紅 唐花

徐珂

不定陰晴。曉來寒峭冰霜裏。北風深鎖蝶蜂魂。眼冷新紅紫。怨笛危闌倦倚。罨珍叢冥冥海。氣畫堂深窈。說與冬烘無憑春事。萬沐千薰。幾多金屋溫存意。試鐙時過便成塵。誰費看花淚。悵悵孤根似寄。恁匆匆優曇閱世。夢華回首。自清光緒己亥出都。卽居滬上。今十六年矣。還問家園。唐花京師有之。見王士禎居易錄。吾杭馬塍亦有之。見周密齊東野語。馬塍開未。